

საჯარო სამართლის იურიდიული პირი-  
ბათუმის შოთა რუსთაველის სახელმწიფო უნივერსიტეტი

ბრძანება № 01-10/36

ქ. ბათუმი

11 მარტი 2020 წ.

ბსუ-ს რეზიდენტურის ალტერნატიულ დიპლომისშემდგომი განათლების  
(პროფესიული მზადების) პროგრამებზე სწავლის საფასურის გადახდის წესის  
დამტკიცების შესახებ

„უმაღლესი განათლების შესახებ“ საქართველოს კანონის 23-ე და 24-ე მუხლების, ბსუ-ს წესდების მე-15 მუხლის, „საექიმო საქმიანობის შესახებ“ საქართველოს კანონის, „რეზიდენტურის ალტერნატიულ დიპლომისშემდგომი განათლებაში (პროფესიული მზადებაში) მონაწილეობის, მისიწარმართვის და შეფასების წესისა და იმ სამედიცინოდაწესებულებების ან/და სასწავლებლების აკრედიტაციის კრიტერიუმების და წესის დამტკიცების შესახებ, რომლებშიც შესაძლებელია დიპლომისშემდგომი განათლების (პროფესიული მზადების) კურსის გავლა“ საქართველოს შრომის, ჯანმრთელობისა და სოციალური დაცვის მინისტრის 2009 წლის 8 აპრილის № 135/ნ ბრძანების, „საექიმო სპეციალობათა, მომიჯნავე საექიმო სპეციალობათა და სუბსპეციალობების შესაბამისი სპეციალობების ნუსხის განსაზღვრის შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 18 აპრილის № 136/ნ ბრძანების, „საჯარო სამართლის იურიდიული პირის - შოთა რუსთაველის სახელმწიფო უნივერსიტეტის ადმინისტრაციის ხელმძღვანელისათვის რსუ-ში მოქმედ მოკლევადიან საგანმანათლებლო პროგრამებზე და ასევე რეზიდენტურაში სხვა უმაღლესი საგანმანათლებლო დაწესებულებებისა და კერძო რეზიდენტურის მსმენელებისათვის (რეზიდენტებისათვის) სწავლის საფასურის განსაზღვრის უფლებამოსილების მინიჭების თაობაზე“ ბსუ-ს წარმომადგენლობითი საბჭოს 2010 წლის 1 ოქტომბრის №04 გადაწყვეტილების, „დიპლომისშემდგომი განათლების (პროფესიული მზადების) პროგრამების განხორციელების წესის დამტკიცების შესახებ“ ბსუ-ს აკადემიური საბჭოს 2010 წლის 23 დეკემბრის N135 დადგენილების და ბსუ-ს სტომატოლოგიის დეპარტამენტის ხელმძღვანელის მზია ბაქრაძის მოხსენებითი ბარათის (MES 4 20 00292325; 11/03/2020) საფუძველზე

ვ ბ რ ძ ა ნ ე ბ:

1. დამტკიცდეს ბსუ-ს რეზიდენტურის ალტერნატიულ დიპლომისშემდგომი განათლების (პროფესიული მზადების) პროგრამებზე სწავლის საფასურის გადახდის თანდართული წესი (დანართი 1).
2. წინამდებარე ბრძანებით დამტკიცებული წესი ამოქმედდეს ბრძანების გამოცემის შემდეგ ჩარიცხული მსმენელების/სპეციალობის მაძიებლებისათვის.
3. წინამდებარე ბრძანების გამოცემამდე ჩარიცხული მსმენელების/სპეციალობის მაძიებლების მიერ სწავლის საფასურის

გადახდა განხორციელდეს მათთან გაფორმებული ხელშეკრულებებისა და ბსუ-ს ადმინისტრაციის ხელმძღვანელის ბრძანებით დამტკიცებული შესაბამისი პროგრამის ხარჯთაღრიცხვის მიხედვით (დაევალოს შესაბამისი პროგრამის ხელმძღვანელებს ჩარიცხულ პირთა ინფორმირება).

4. ბრძანება გასაცნობად და აღსასრულებლად დაეგზავნოს ბსუ-ს შესაბამის სტრუქტურულ ერთეულებს (საბუნებისმეტყველო მეცნიერებათა და ჯანდაცვის ფაკულტეტს, პროგრამების ხელმძღვანელებს, კლინიკას „ბსუ დენტი“, საფინანსო-ეკონომიკურ დეპარტამენტს, სასწავლო პროცესის დეპარტამენტს, იურიდიულ დეპარტამენტს, ადამიანური რესურსების მართვის სამსახურს და საინფორმაციო ტექნოლოგიების სამსახურს).
5. ბრძანება ძალაშია ხელმოწერისთანავე.

ადმინისტრაციის ხელმძღვანელი

ა. მითაიშვილი



ბსუ-ს რეზიდენტურის ალტერნატიული დიპლომის შემდგომი განათლების  
(პროფესიული მზადების) პროგრამებზე სწავლის საფასურის გადახდის წესი

მუხლი 1. ზოგადი დებულებები

1. წინამდებარე წესი განსაზღვრავს, საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდეგში „ბსუ“ ან „უნივერსიტეტი“) რეზიდენტურის ალტერნატიული დიპლომის შემდგომი განათლების (პროფესიული მზადების) პროგრამებზე (შემდეგში „პროგრამა“) სწავლის საფასურის გადახდის რეგულაციებს.
2. ბსუ-ს პროგრამებზე სწავლის საფასური, თანახმად ბსუ-ს წარმომადგენლობითი საბჭოს 2010 წლის 1 ოქტომბრის N4 გადაწყვეტილებისა, განისაზღვრება ბსუ-ს ადმინისტრაციის ხელმძღვანელის მიერ დამტკიცებული შესაბამისი პროგრამის ხარჯთაღრიცხვით.
3. პროგრამაზე სწავლისათვის გადასახდელი ყოველთვიური სწავლის საფასური განისაზღვრება პროგრამის საერთო ღირებულებისა და სწავლის ხანგრძლივობის თანაფარდობით.
4. წინამდებარე წესის აღსრულებას კოორდინაციას უწევს ბსუ-ს რეზიდენტურის ალტერნატიული დიპლომის შემდგომი განათლების (პროფესიული მზადების) პროგრამის განმახორციელებელი ბსუ-ს საბუნებისმეტყველო მეცნიერებათა და ჯანდაცვის ფაკულტეტი (შემდეგში „ფაკულტეტი“) და შესაბამისი პროგრამის ხელმძღვანელი.

მუხლი 2. სწავლის საფასურის გადახდა

1. პროგრამაზე სპეციალობის მაძიებელის/მსმენელის ჩარიცხვის ბრძანება გამოიცემა შესაბამისი კონკურსის შედეგების გათვალისწინებით მსმენელთან გაფორმებული ხელშეკრულების დადების შემდეგ (ხელშეკრულების გაფორმების ორგანიზებას უზრუნველყოფს ფაკულტეტი).
2. სპეციალობის მაძიებელი/მსმენელი ვალდებულია ხელშეკრულების გაფორმების შემდეგ, ბსუ-ში ჩარიცხვის ბრძანების გამოცემამდე/სწავლის დაწყების წინ, გადაიხადოს პროგრამაზე სწავლის სრული საფასურის ნაწილი - ორი თვის გადასახდელი, ხოლო შემდგომი გადახდები უნდა განახორციელოს ჩარიცხვის თვის მომდევნო თვიდან, ყოველთვიურად, არაუგვიანეს მომდევნო თვის დაწყებიდან 5 სამუშაო დღისა. აღნიშნული პირობა (გადახდის განრიგი) აისახება მსმენელთან გაფორმებულ ხელშეკრულებაში.

3. მსმენელის მიერ წინამდებარე მუხლის მე-2 პუნქტის მოთხოვნის შეუსრულებლობის შემთხვევაში, პროგრამის ხელმძღვანელი ვალდებულია გააფრთხილოს მსმენელი როგორც ზეპირად, ასევე წერილობით (უნდა მომზადდეს ადმინისტრაციის ხელმძღვანელის ავტორობით მსმენელისათვის გასაგზავნი წერილობითი შეტყობინება, გადახდის დამატებითი ვადის მითითებით).
4. მსმენელის მიერ წინამდებარე მუხლის მე-3 პუნქტით გათვალისწინებული დამატებითი ვადის განმავლობაში სწავლის საფასურის გადაუხდელობის შემთხვევაში, პროგრამის ხელმძღვანელი ამზადებს ბსუ-ს რექტორის ბრძანების პროექტს მსმენელისათვის ხელშეკრულებისა და პროგრამის მსმენელის სტატუსის შეწყვეტის შესახებ. ასეთ შემთხვევაში მსმენელს არ დაუბრუნდება მის მიერ უკვე გადახდილი თანხა.
5. მსმენელის სტატუსის შეწყვეტის შემთხვევაში გაიცემა შესაბამისი მოდულის დასრულების მოწმობა, თუკი მსმენელმა შეასრულა პროგრამის მოდულით გათვალისწინებული მოთხოვნები და გადაიხადა ამ მოდულზე სწავლის საფასური.